

欽定啟禎四書文

玉一
函六冊

吾猶及史之闕文也

一節

陳子龍

卽二事而有今昔之殊此春秋之衰也夫史之闕文良史也有馬
借人賢士大夫之事也春秋旣衰而此風邈矣若曰風俗之變因

題前○遠勢

乎時勢歲月之間先後異觀者亦已多矣若夫記言之臣後世之

不切

所考也當塗之子天下之所望也而不能參鏡列國之書廣揚諸

亦非大事

侯之譽此二大事也而變可勝言哉吾聞周之盛時司典之官彙

○層○次○頓○跌○

於王府君子之馬以徠賓士此王者之風也而吾不及見矣至於

齊晉主盟赴告之策交於友邦車馬之富以惠失國此伯者之盛

也而吾亦不及見矣若夫吾生之初伯國之業衰矣然同盟之邦

不廢聘問。執簡之士。因得以詳稽其事焉。而未詳者。則闕而不書。若所稱老聃。南史倚相之流。文章簡直。尚可風也。執政亦少鄙矣。然境外之交。固多賢者。文辭之會。或得以私致其情焉。而有馬者。則借人乘之。若所見晏嬰子產叔向之徒。言論綢繆。亦可懷也。當是之時。史官有徵信之書。而善惡易知。士大夫有忼慨之情。而交遊及遠。數十年以來。而天下之事。漸異矣。至於今者。盟會之事。既稀。而諸侯之使。不以情相告。國安得有信史乎。於是作史之人。恣其胸臆。以示博綜。而失於誣矣。豈如向者之史。後世得以考其得失哉。弱小之國。益貧而世卿之貴。大率以賄聞。士安從所取資乎。

彼其鈞駟之家。厚自封殖。以相侈大。而不假借矣。豈如向者之馬。齊輩得以通其有無哉。嗟夫。此固吾之所及見也。而竟不可復得耶。且夫國史之重也。惟其慎。而邪說之是非。不得播之。士大夫之尊也。惟其有德於人。而匹夫之權勢。不得奪之。今國史既不足信。○偉○論○史○才○史○識○則放言橫議之流。皆思著書立說。以自見。堯舜爲虐。桀紂爲仁。而天下之禍。在於文章矣。士大夫旣不好施。則衰奇詭俠之士。皆能暫財廣交。以自立。小者却贈大者。借軀。而天下之權。將在布衣矣。嗚呼。此春秋將變之勢也。

感歎今昔。原其從來。極其流弊。以二者爲大事。雖非的義。而風

骨超邁紆餘卓犖自非襟抱過人沉酣古籍者不能作

衆惡之

一節

徐方廣

聖人論好惡而戒徇衆者焉。蓋察者所以用其好惡也。奈何以衆而可廢乎。且天下無不可以同人而惟好惡則必由己。蓋情發於

○語便透骨

中。非真見而誠出之不可也。今之好惡者。多不免於因人。而尤易

於附衆。不知衆人有衆人之好惡焉。而我亦自有我之好惡焉。使

苟而同於衆。是我遂無好惡也。惟舉而試爲察。則我故自有好惡

也。察者不因衆而起信。豈因衆而起疑。獨彼所爲瑕瑜失得之端。


○勤○入○真○際○意○味○自○然○動○人○

亦必嘗親見之。而後愛憎之意得緣而有所出。不然則未知夫所

曹好曹惡之爲何事也。旣無意於徇衆。豈有意於矯衆。獨彼所爲

積毀積譽之實亦必嘗微得之而後妍媸之意始因而有所生不
然則未知夫所受好受惡之爲何本也故卽衆人之惡自真吾惡
衆人之惡自妄察則彼此皆真矣卽衆人之好自確吾好衆人之
好自浮察則人我皆確矣在君子每虛中而無我而依聲傳響無
關自有之情不得不少參稽焉所以千萬人之中而一人之好惡
自在也君子亦與斯民而同直而悠悠藉藉無與本心之用不得
不更考核焉使誠人人能察而千萬人之好惡斯公也彼有漫相
附和而了然無當於心者其亦自失其好惡而不知也與
如此講必察方是虛中無我且見聖賢微細用心處行文苦思

鐫刻而詞氣渾雅尤不可及
原詩



辭達而已矣

張家玉

原辭所由立爲其不可廢者而已。夫意之所至、辭亦至焉。達之所
以足尚也。又多乎哉。今夫世變升降之故、文章爲之也。古人之文
可以爲質而不可以爲拙。今人之文可以爲多而不可以爲是。著
論愈工而淳氣愈不可留。撫茲繁薄、不識立言者之何從始。且不
識尚口者之何所止也。夫辭則何爲者乎。有先乎辭者而後辭處
於不得已之勢。夫辭也。人望而尊之。無如人見而喻之。之爲勝也。
有存乎辭者而後辭立於不能損之地。夫辭也。人誦而多之。無如
人惜而少之。之爲當也。故辭之貴貴乎達而已矣。辭之在心幾何。

耳及喉舌而數倍。及篇章而又數倍。然則增加之。則何所治乎。典
訓之篇簡而嚴矣。以爲是風之隆。而不獨風之隆也。理明則知易。
知易則要得其不辨也。有所以爲辨也。是亦可以無辨矣。辭之全
體具在耳。善讀者得其數篇。又善讀者得其數語。然則觀摩之益。
何所賴乎。爾雅之章約而盡矣。以爲是情之塞。而不獨情之塞也。
道立則氣盡。氣盡則指全。其不析也。有所以爲析也。卽以是爲至
析矣。然則謂辭之畧餘於意。而辭之詳餘於才乎。夫一言而盡所
欲言與數言而不克明。所必言其才之優與絀。大可識矣。好盡者
之不欲爲簡抑亦好盡者之不能爲簡也。我觀椎魯之士。意識勿

○此○中○甘○辛○謹○知○之○者○

矜發言蒼涼而人多信之。昔之辭人亦若是則已耳。然則謂辭之
捷全於質而辭之繁全於文乎。夫紛然言之而引義不倫與洞然
言之而罕譬而喻其辭之文不文大可見矣。已甚者之求爲可觀
○文○所○以○謂○之○衰○
抑亦已甚者之將爲可厭也。我觀博瞻之士菁華旣竭漸就刊落
而人必珍之。古之辭人亦若是則已耳。全吉士之養謹仁人之衷
存天地之理見聖賢之心辭達而已又多乎哉。

清微敏妙頗與陳章爲近後二股精警明辨實能發人之所未
發



丘也聞有國有家者

一節

錢禧

國家有無患之道以憂爲辭者非也夫均安則國家長治矣傾且
無有奚貧寡之足患哉夫子疾冉有以子孫憂爲辭故責之曰謀
人之事誠不可忘所患也患生於有欲則鄙瑣難以告人而計利
者其害必鉅患生於無欲則訐謨可以垂訓而遠禍者其福必長
求果爲後世憂也卽奈何不如丘所聞也昔者先王以天下之人
民命有德以天下之士田賚有功樹君公於國置大夫於家名位
截然罔敢踰越至均也國下逮於家家上承於國恩義相接驩若
一體至安也誰見爲寡而患之見有寡卽不均也不均患有甚于

寡者誰兄爲貧而患之見有貧卽不安也不安患有甚於貧者不

患寡而患不均不患貧而患不安丘所聞於有國有家者如此蓋

接○入○蓋○字○又○領○二○比○文○勢○寬○闊○

嘗熟計而身處之王者善建不拔莫嚴乎定君臣之分使爲之臣

者覲覲絕而忠愛生聖人制治保邦莫大乎一上下之情使居其

依○註○便○省○却○幹○旋○

下者君父先而子孫後是故均則無貧而和矣和則無寡而安矣

安則不獨無貧寡而直無傾矣國家之榮懷以和爲極而均固所

以開其始國家之歷年以無傾爲極而安固所以厚其終是以我

所聞患在此不在彼也由此言之先王封建之權出之至公故垂

之永久人臣以道事君當詳明祖宗大法不可以僭踰之妄舉壞

我典章古人持盈之道可以養心亦可以保世君子學古入官當
針對子孫憂
敷求前哲格言不得以富強之私圖託爲善後求也患其所不當
患不患其所當患何不聞丘之所聞焉

不煩經營而準平繩直從容安頓舉止大方

